

მკობი

ბარსაშვილი თეგერვლის 18 1921 წ.

ფასი 30 მან.

წელიწადი პირველი

რედაქცია და გამომცემი

ქუთაისი, თბილისი ქუჩა № 32
რედაქცია ღიაა დღის 9 საათიდან ნაშუადღევს 2 1/2 საათამდე, კანტორა ღიაა დღის 9 საათიდან ნაშუადღევს 3 საათამდე და საღამოს 5 საათიდან 7 საათამდე. მისამართი წერილებისა და კორესპონდენციებისათვის ქუთაისი, ფოსტის ყუთი № 30.

დღევანდელის — ქუთაისი მრმ, ტელეფონი № 32 წერილები დაწერილი უნდა იყოს ერთ გვერდზე და სუფთად, ხელმოწერილი წერილები არ დაიბეჭდება. რედაქციისათვის საჭიროა წერილის ავტორის ვინაობა და მისამართი, დაუბეჭდავ წერილების შესახებ რედაქცია მიწერს მოწერას არ ეისრულებს.

№ 2 საქართველოს დემოკრატიული პარტიის ქუთაისის სამაზრო კომიტეტის ორგანო, № 2

განცხადება:

განცხადება მიიღება ნაშუადღევს 2 საათამდე, სტრიქონი პეტეტი პირველ გვერდზე 25 მან. მე-4 გვერდზე 20 მან. სამგლოვიარო განცხადებანი 30 სტრიქონი 1000 მან. 12 საათის შემდეგ 1200 მან.

ხელის მოწერა:

გაზეთი „მკობი“ ქალაქსა და ქალაქს გარეთ ღირს თვეში 700 მან. ცალკე № 30 მ.

1921 წ. თებერვლის 17-დან ქუთაისში გამოდის ყოველდღიური საპოლიტიკო და სალიტერატურო გაზეთი

== მ კ ი ==

მამულიშვილნო!

სამშოგლო განსაცდელშია.

აღმოსავლეთის ველური ურდოები კვლავ მოადგენ საქართველოს.

მთავრობის და თავდაცვის კომიტეტის
თავმჯდომარის

ნოე ჟორდანიას
მოწოდება.
ეროვნებს, თემებს და გვარდიის შტაბებს.

მოხდა უსასიზღვრესი მუხანათური თავდასხმა: გაბორტყულ სომხეთს მიემხრო აზერბეიჯანი და იქ მდგომ ბოლშევიკურმა ჯარებმა შემოგვიტია ადამისაველეთით; იცოდეთ რომ მათი გამარჯვება ნიშნავს ერის თავისუფლების, საღვთის ნაშრომის და ნაბაგარის სამუდამო დაღუპვას და ჩვენი ბოლშევიკთა მძიმე ბრბების უსამინელეს ტირანიაში ჩაყარვას. დასდგა ქაში ჩვენი ყოფნა არ ეოფნისა, ჩვენი ბედი ჩვენ ხელთ არის: გამოვიჩინოთ ძველებური ქართველური მამაცობა: თავის დადებ, ერთობა და მტერი პლეული იქნება. საქართველოს არა ერთხელ განუცდია უცხო ლაშკართა შემოსევა, მაგრამ ისევ უკან გაურეკიათ. აიღეთ სმალი ხელში და ააშუშავეთ ქალი და კაცი: შექენით ასალი რაზმები, დაცხადით მიგნით სასტიკი წესიერება, ალაგეთ მოღალატენი და თრგუნთ. იცოდეთ, რომ გამარჯვებული ბოლშევიკები გაცხადდნენ და გაკლდნენ. მათ გასტყეს მხოლოდ თქვენი მსხეობა და თავის დადება. შეჩერეთ ჩვეულებრივი სახელმწიფო და საზოგადოებრივი მუშაობა და მოკიდეთ ხელი მართო თავის დაცას. მეტი მეომარი, მეტი იარაღი, მეტი სურსათი. აი რას

ითხოვს თქვენგან სამშობლო და ეს მოგვანდეთ უოველ დღე — გამარჯვებამდე. ამ ბრძოლაში ჩვენ მართო არ დავჩრებით. მგექმნათ ერთი მთლიანი თავგანწირული ძალა და ჩვენ ირგვლივ შემოიკრიბებიან მშველენი.

ქართველო საღვთო, ხელი სმაღს იგარ, მტერთა იხმანს მანია.

საქართველო მოკვდება, მაგრამ მტერს არ დანებდება.

მთავრობის და თავდაცვის საბჭოს თავმჯდომარე
ნოე ჟორდანიას.

მღვთაპირება სერიოზულია.

საქართველო კვლავ ომის ცეცხლშია გახვეული: კვლავ სისხლსა და მსხვერპლს თხოულობს ჩვენი მრავალტანჯული სამშობლო.

საქართველოს მიწა-წყალს, არა ერთხელ სისხლით აფერადებულს და გმირთა ძელებით მოკეცილს, კვლავ მოადგა ბოლშევიკური ბრბოები: ჩვენს საზღვრებზე ირგვლივ სისხლი იღვრება, ჩვენს დედა-ქალაქს თბილისს მტრები ემუქრებიან.

ჩვენი სახელოვანი ჯარი და გვარდია ქართველურად რაინდული პატრიოტიზმით, სამშობლოს კეთილშობილი სიყვარულით აღგზნებულნი, მტრებს ებრძვიან.

საჭიროა ჩვენი თანამშრომლობა, საჭიროა შევლა, საჭიროა მთლიანი ეროვნული ძლიერება.

საქართველოში დღეს ყველა სახელმწიფოებრივი პარტია და ჯგუ-

ფები გაერთიანებულია და ყველას ასულდგმულებს თავდაცვის აზრი, სამშობლოს სიყვარული.

პოლიტიკური პარტიები, რომლებმაც შესძლეს საქართველოს დამოუკიდებლობის განმტკიცება საერთაშორისო, პოლიტიკური პარტიები, რომლებმაც ბოლო მოუღეს ჩვენს საუკუნოებრივ მონობას, დღესაც ბრძნულად გაუძლევიან ქართველ ერს და მის სამხედრო ძლიერებას.

მხოლოდ საჭიროა შეგნით წესიერება და სულიერი სიმტკიცე, საშიში არაფერია, თუ კი შეგნით გვექნება წესიერება.

დღევანდელი ბოლშევიკური ურდოების შემოტევა არის ჩვეულებრივი და მორიგი აშლილობა აღმოსავლეთის, რომელსაც იცნობს ჩვენი ერი.

ჩვენი მებრძოლი რაინდები ღირსეულად დახვდებიან მტრებს, პასუხს

გაცემენ ველურების შემოტევას. ჩვენი ღიბლობა იმედია გამოიჩენს მიხედვრილობას და ისარგებლებს იმ მღვთაპირებით, რომელიც იქმნება ჩვენს სასარგებლოდ ოსმალეთის ღიბი ეროვნულ მთავრობისა და რუსეთის წითელი იმპერატორის ზრახვითა შორის. საუკუნეთა კირსა და ვარამში ამოგანგლული საქართველო გადურჩება განსაცდელს, თუ კი გამოვიჩინოთ ჩვენს ისტორიულ გმირობას, თუ კი დავიცავთ შეგნით სასტიკ წესიერებას ყველა პოლიტიკური პარტიები ჩვენში, რომელნიც გარშობენ საქართველოსადმი სიყვარულს, დღეს ერთად არიან და მოღალატეები სასტიკად დაისჯებიან.

ლალატს ქართველი ერი ვერავის აპატიებს.

კ. კახიანელი.

მამულიშვილნო.

ჩვენმა ბედნიერებამ მტერი აამხედრა; შურმა და ღვარამმა ააგსო მტრის გული და სულბორციანათ მოწამული თავს გვესხმის.

ვინ არის ჩვენი მტერი და რა ღირსების არის!

ჩვენი მტერია ბოლშევიკური რუსეთი და მისთან ამხედრებული გაბოლშევიკებული სომეხ — თათარი. ბოლშევიკებს ეროვნული სახეც დაკარგული აქვს და პოლიტიკური თავის ქვეყანა ამოგდეს, გააოხრეს,

მოქალაქენო! დაცვაში ვისიარებთ

განადგურეს და ახლა აქეთ მოდიან, რომ ჩვენც მოგვსონ და ჩვენი ნაშრომი ხელში ჩაიგდონ.

ჩვენ მშვენიერ ქვეყანას, დიდს უბედურებით თავშენახულს დიდეს განთავსულებას გვიღუპავენ — გვიღუპავენ ისინი, ვისაც არც სამშობლო უყვარს, არც სამართალი, არც წესიერება.

დაღა მწვავე წუთი, სამშობლო განსაცდელშია, პირისუფლობა დღეს გვინდა. გვმართებს დიდი მხნეობა და სულიერი ძალა.

საქართველო მუდამ ომობდა და მუდამ სისხლს ღვრიდა. საქართველო მუდამ თავს იცავდა, სხვას არაფერს ართმევდა, მაგრამ თავისას არავის არ ატანდა. საქართველო მუდამ სამართლიან ვაჟს ადგა და კიდევ იმარჯვებდა.

დღესაც მართლნი ვართ. ამას მნიშვნელობა აქვს. ყოველი პატიოსანი და სამართლიანი ერი ჩვენ გვიანაგრძნობს ჩვენ გაგვამარებს. ბოროტება ყოველთვის სუსტია. ავიღოთ ხელში იარაღი, შევებრძოლოთ მტერს და არ მივსცეთ მას ნება თავზე დაგვაჯდეს.

სიკვდილ სიცოცხლის წუთია! ერთი გრძნობით და ერთი აზრით გამსჭვალული მთელი ქართველი ერი მტერს დაეცემა. მას შევაკდებით, მაგრამ არ დაგვტყდებიან. სიმატოვლე ჩვენა გვაქვს და ძალაც ჩვენ ხელშია, თუ მოვიდგომებით.

დღეს არის უკანასკნელი ხიფათი, თუ ამ საფრთხეს გადავრჩით სამშობლო გამოხსნილია და დაცული.

დღეს გვმართებს ყოველი ძალის მოკრება და სისხლის დაღვრა. დღეს დაღვრილი სისხლის წვეთი წმიდათა წმიდაა დღევანდელი შეწირული მსხვერპლი სიწმინდის ცვაზია. ყველა ავმობრძვდეთ, სულით, ხორციით, მკლავით, ტვინით, ქონებით, გონებით სამშობლოს ვესაზურათ.

მთელი ერი ერთსულოვნათ ერთ ძალაში მოვთავსდეთ.

გმირული გამოსვლა, თავგანწირულება და მხნეობა — აი რა გვმართებს, მოქალაქე!

ბ. ჯაფარიძე.

უკანა კნელი ცნობები.

17 თებერვალი, ნაშუადღევ 2 საათი. ეროვნ. კავშირში კ. სულაქველიძე ე. პარაკა პირდაპირი მართულებით შინაგან საქმეთა სამინისტროს, რომელმაც გაემოცა შემდეგი: მდგომარეობა საგრძნობლათ შეიცვალა ჩვენს სასარგებლოთ. ჩვენი ჯარი შეტევად გადაიდა თბილისში სრულ სიმშვიდით. ხალხი ჩვენს ხელშია და სრულ თანაგრძნობას გვიცხადებს როგორც მატერიალური დახმარებით, ისე ცოცხალი ძალით. მისიები ყველა თავიანთ ადგილებზეა.

საბჭოთა რუსეთის მხრის დატყვევებული მოყვანი ქუთაისში.

მიტინგი ცირკში.

გუშინ შუადღისას, ცირკში გაიმართა მიტინგი. ხალხი რაც დეიტა შენობაში შეუშვეს; რაც არ დეიტა, მით დაწინარეს, რომ შეპირდნ ზღაპრულ მიტინგის გამართვას. მიტინგი გახსნა ა. მეფისაშვილმა.

მა. ილაპარაკეს კ. კუმბურიძემ. გ. ლალიძემ. ს. ხირტიაძემ. და ტრ. ჯაფარიძემ. აღფრთოვანება დიდია. მთავრობას გაეცხადნა თანაგრძნობის და აღფრთოვანების დეკლარაცია. უცებ მოგროვდა 3 მილიონ მანეთამდე.

დღიდან თავდაცვის ფონდის შეწირულება მიიღება ქალაქის ავითმართველობაში.

ახალი ამბები.

სამაზრო ერობამ გამოაცხადა მობრძნობა 1894 წ. 1895 წ.

დეპეშები.

საქართველოს დეპეშათა სააგენტო.

შინაგან საქმეთა მინისტრის ნოე რამიშვილისაგან ქალაქისა და ერობის თვითმართველობებს აბზანთის კომისარიატს შემდეგი ცირკულიარული დეპეშა გაეგზავნათ:

„საბჭოთა ჯარი ომის გამოუცხადებლად ევრაზიულად დაქურდულად დაგვსხა. მტერი მოტყუვდა. საქართველოს ერი გამოხსნას საშუალებებს რესპუბლიკის დასაცვლად და ევრაზი მტრის მოსაგერვლად აცნობეთ ხალხს შექმნილ მდგომარეობა, დაე, ყველა მოქალაქე, ვისაც შეუძლია იარაღის ტარება, ჩაეწეროს მოხალისეებათ ჯარსა და გვარდიას და მზად იყოს მთავრობის მოთხოვნებისთანავე გაემგზავროს ომის ველზე სამშობლოს დასაცვლად. მთავრობა ღრმად დარწმუნებულია იარაღი ხალხის აღფრთოვანება იხსნის რესპუბლიკას ბნელ ძალთა მიერ განადგურებისაგან. შინაგან საქმეთა მინისტრი ნოე რამიშვილი.

გენერალური შტაბის ცნობა. დღეს ღამით რესპუბლიკის წინააღმდეგ გამოვიდა საბჭოთა აზერბეიჯანი. ყაზახის მატარებელი, რომელიც საბჭოთა ჯარების შემოტევა ფიქროს მიმართულებით და წითელ ხიდის პირდაპირ. ფიქროს მიმართულებით ჩვენების მიერ უკუგდებულია მტკვარზე გასვლა ყველა ცდა მტრისა. ჩვენ ავადგომით ფიქროს ხიდი. ჩვენ ჯარებს ებრძანა მდინარე ხრამისაკენ დახვევა. სულიერი მდგომარეობა ჯარისა სავსებით ვეკაცურია. დახვევა ხდება მთელი წესრიგით.

პირდაპირი მართულებით თვითმართ.

გუშინ დილით და საღამოთი ჩვენი თანამშრომელი დემოკრატიული პარტიის ქუთაისის სამაზრო კომიტეტის წარმომადგენელი ელაპარაკა თბილისში დამფუძნებელ კოებისა და მთავარ კომიტეტის წევრს იოსებ მაქაყიანს. გადმოგვცა შემდეგი: მდგომარეობა სერიოზულია. შეიჩერეთ პარტიული ყოველგვარი მუშაობა, ყველა ორგანიზაციები ამაშევეთ თავდაცვის საქმის დასახმარებლად, თავს დაეცენ აზერბეიჯანის მიმართ, მათ ხელმძღვანელობას უწყევს საბჭოთა რუსეთი. შეადგინეთ მოხალისეთა რაზმები და დაუყოვნებლივ გადმოგზავნეთ ჩვენთან. დაგზავნეთ პროვინციებში წარმომადგენლები, რათა წამოიყვანონ მოხალისეები. თბილისში უკვე შედგა ჩვენ მოხალისეთა რაზმები. მთავარსარდლათ დაინიშნა გენერალი კვი-

1896 წ. 1897 წელს დადებული ჯარის კაცებისა და ავრთვე 1884 წ. დადებული ტექნიკისა. ყველა დაწესებულებაში მუშაობა შეჩერებულია. მთელი ყურადღება მიქცეული აქვს ფრონტს. სამაზ. ერობა ყოველ ძალა-ღონეს ხმარობს მოხალისეების შესივრად ჩატარებისთვის.

შემოწმებულია — 5. კილასონამ და მ. კაპანაძემ საქართველოს დემოკრატიულ პარტიის დროშისათვის შემოსწირა ორ არშინ ნახევარი შავი კაშშირი ღირებული 2325 მანეთად, რისთვისაც კომიტეტი მადლობას სწირავს.

დეპეშები.

საქართველოს დეპეშათა სააგენტო.

ნატაქ. იმედევი დილია. აქ ხალხი აღფრთოვანებული შეტდა ომს.

გამარჯვება უზრუნველყოფილია, თუ ყველა აფეთქდება. ყველაფერი თავდაცვისათვის.

თბ. ლისის 16 თებერვალი. გენერალის დამხადების გადიდებისათვის და ორგანიზაციულად მუშაობის მოსაწყობად ტყუილში მიგზავნება განსაკუთრებული კომისია ინჟინრებისა.

15 თებერვალი. წითელი ჯგერის მთავარ გამგებანს პრეზიდენტის სხდომაზე მოწვეული იყვნენ სანტარულ საავადმყოფოთა დაწესებულებების უფროსი ფიქროსიდან ჩამოყვანილ დაქირდულ და ავთმოყვთა გაწესრიგების საკითხის გამოსარკვევით.

პროფესიონალურ კავშირთა ცენტრალურ საბჭოს აღმასრულებელ კომიტეტის დადგენილება საქართ. ევრაზიულად თავდაცვისათვის სხდომაზე დადგინა პროტესტით მიმართოს ამ დაცვის გამო პროფესიონალურ კავშირთა საერთაშორისო ბიუროს, საბჭოთა რესპუბლიკის ყველა პროფესიონალურ კავშირებს და მიიღოს მხურვალე აქტიური მონაწილეობა ქვეყნის დაცვაში. ამასთან ერთად გადაწყდა მოწვევად იქნეს კვირის შეერთებული სხდომა ფაბრიკა ქარხნების კომიტეტებისა, პროფესიონალურ კავშირების გამგებებისა, და ცენტრალურ გაერთიანებულ მუშათა ორგანიზაციებისა შემქმნილ მდგომარეობაზე მსჯელობისათვის და მთავრობისადრ თავდაცვის საქმეში დახმარების აღმოსაჩენად.

კონსტანტინოპოლი. სერბელები და შვედეთისა შორის სისხლის მღვრელი შეტაკებები.

შპრანინში განსაკუთრებული ძალით იზრდება გლეხთა მოძრაობა. განსაკუთრებით ეს პროცესი ოღეძის, ხერსონის, ეკატერინოსლავის და კიევის მიდამოებში. ბოლშევიკები ძლიერ ჩერდებიან მხოლოდ დიდ ქალაქებში, რომელთა შორის რკინის გზის მოძრაობა შეწყვეტილია.

კონსტანტინოპოლი. აღმოსავლეთ კონსტანტინოპოლში მოხდა აჯანყება ფინელ კომუნისტებისა საბჭოთა მთავრობის წინააღმდეგ, მოსკოვიდან პეტროგრადში კომუნისტების გაგზავნის

ბრძანების გამო დაქერილია 40 ფინელი კომუნისტი. მეთაურებს დახვრეტლია.

პარიზი. პარიზის პოლიციამ აღმოაჩინა მთელი რიგი ბოლშევიკური ორგანიზაციების მიწერ მოწვევის საბუთები. პლანია ახლო აღმოსავლეთში ევროპის საწინააღმდეგო ბოლშევიკურ მოქმედებათა გადაწყდა გააძეონ საფრანგეთიდან ყველა ამ საქმეში მონაწილეობის მიმდებნი.

თბილისი. მთავრობის თავმჯდომარის მოწოდება. ქალაქებს, ერობებს, თემებს, სახლობ გვარდიის საოლქო შტაბებს, განსაკუთრებულ რწმუნებულს აფხაზეთის კომისარიატისას, საქართველოს ყველა მოქალაქეთ!

მოსდა შემზარავი ევრაზიული თავდაცვა გაბოროტებულ სომხეთისა. მიემხრო აზერბეიჯანი და იქ მდგარ ბოლშევიკურ ნაწილებმა დაიწყეს შემოტევა აღმოსავლეთისაკენ.

იკოდეთ, მათი გამარჯვება ნიშნავს ხალხის თავსუფლების, შრომის ნაყოფის, არსებობის საბოლოო დაღუპვას, ნიშნავს მშვიდ ბოლშევიკურ ბანდების საშინელ ტირანის უღელს; დაღა დრო სიკვდილ სიცოცხლის საკითხის გადაწყვეტისა. ჩვენი ბედნიერება ჩვენს ხელშია. გამოვიჩინოთ ძველებური ქართველური გმირული თავგამებება, მოლიანობა და მტერი დამარცხდება.

საქართველოს არა ერთხელ გამოუცლია მტრის ძალების შემოტრა. და ის მუდამ მიდებდა მათ უკან. აიღეთ ხელში ხმალი. დეე ყველამ იმუშაონ, შექმნიეთ ახალი და ახალი რაზმები. დაიცავით სატაკი წესიერება და მშვიდობიანობა სახელმწიფოს შიგნით. აღაგმეთ მოლაღობა, გამცენი. იკოდეთ, რომ ბოლშევიკებმა თუ მოახერხეს, გაგძარცვან, მოგსპონენ ფიზიკურათ. მათ მოსტებს მხოლოდ თქვენი ენერგია, თავის თავის მსხვერპლათ მიტანა. შეაჩერეთ ჩვეულებრივი სახელმწიფო მუშაობა. მთელი ყურადღება უნდა იყოს მიქცეული მხოლოდ თავდაცვისაკენ. მეტი მეომარი, მეტი იარაღი, მეტი სურსათი. აი რას ითხოვს თქვენგან დღეს სამშობლო. თქვენ ყოველდღე უნდა მოგვაწოდოთ ეს ჩვენ ამ ბრძოლიდან გამარჯვებით გამოსვლისათვის. ჩვენ მართლნი არ ვიქნებით. ჩვენ შევქმნიეთ ერთ გაერთიანებულ თავდაცვით მოქმედებას. ჩვენს გარშემო შემოიკრიბებიან ყველანი. ქართველო ხალხი იშიშვლე ხმალი, ისმის მტრთა ხმა, მაგრამ მტერს არაოდეს არ დამორჩილდეთ. თავგადასავალი მთავრობისა და თავდაცვის საბჭოსი ნ. ფიქროსია. გუშინვე შედგა ჩვენი კომიტეტის სხდომა და შეუდგა თადარიგს. საქართველოს დემოკრატიულ პარტიის ქუთაისის სამაზრო კომიტეტი უკვე შეუდგა მოხალისეთა რაზმების შედგენას. მოწვევულნი არიან გამოცდილი სამხედრო პირები, მოხალისეთა ჩაწერა სწარმოებს სამაზრო კომიტეტის ბინაზე (თბილისის ქ. სახლი ს. ფიჩხაძისა).

გუშინ შედგა ქუთაისის თავდაცვის კომიტეტის სხდომა. დაესწრნ ყველა მომქმედ პოლიტიკურ პარტიათა წარმომადგენელნი. გუშინვე ღამით გვარდიის შტაბში

შედგა განსაკუთრებული კომისია მომხდარ ამბების გამო, რომელმაც გამოიმუშავა მოხილვისათვის და მოხალისეთა რაზმების შედგენის წესრიგი.

საქართველოს დემოკრატიული პარტია ატყობინებს დასავლეთ საქართველოს ორგანიზაციებს, რათა შეადგინონ მოხალისეთა რაზმები და გამოგზავნონ ქუთაისში სამაზრო კომიტეტთან.

მამულიშვილნო!

სამშობლო განსაცდელშია. მოგიწოდებთ ჩაეწერეთ საქართველოს დემოკრატიულ პარტიის მოხალისეთა რაზმში. ჩაწერა სწარმოებს მუდამ დღიდან და ღამით სამაზრო კომიტეტის ბიუროში მორიგ წევრთან.

საქართველოს დემოკრატიულ პარტიის ქუთაისის სამაზრო კომიტეტი თხოვს თანამაზრე სხედრო პირთ გამოცხადდნ პარტიის ბიუროში.

დღეს პირველ საათზე შექმნილ მდგომარეობის გამო ცირკში გაიმართა მიტინგი. ილაპარაკნ მომენტზე ყველა პარტიის წარმომადგენელი.

ომი.

ომი, გაიხსნა ძაბილი. მამაც ქართველ ერს უცებ მოესმა საყვრის ხმა, იწვევენ ომში? საღ? ცის წინააღმდეგ? ვერაფერ სომხები ამეღრებულან, მოიწვევენ საქართველოზე, ვინ ბედავს ომს. შესწევს ამისი ძალა? სომხებთან ერთად მოდიან რუს-ბოლშევიკები. რუსის ხალხი, შურს იძიებს ჩვენზე. საქართველოში ბატონად ნამყოფი დღეს მშვიდ ტიტული თავის სამშობლოში, სწუხს, რომ გამოეცალათ ხელიდან საქართველო, ეს უმშვენიერესი ყვავილი მთელი ქვეყნისა და ისევ სწადიათ ჩაიგდოს ხელში, შეიქმნენ ბატონები, და გავხადონ თავის მონად; ბატონობას ჩვეული დღეს გაბოროტებული ცდილობს დაიბრუნოს ძველი ადგილი. მას ხმა გასცა სომხებმა, ორივე სწუხს, შემოაკლდათ ბევრი რამ; რუსებს მოესპათ ბატონობა. ბრძანება საქართველოში. სომხებს კი საქართველოს ქონების ქამა. ორივე დაზარალებულად თვლის თავის თავს; შეამზანადენ, შემოგვიტყოს. სომხების განზრახვა მოისპოს საქართველოს დამოუკიდებლობა, გაერთიანონ კავკასია ბოლშევიკის სახელით და შემდეგ იფარფლონ-შეგვამონ, გაგანადგურონ ეკონომიკურად. ქართლ-კახეთში ბლომად ცხოვრობდნ სომხები. დაკარგული სომხეთი აქ უნდა დღიდან აღდგინათ. მართლაც სომხის კულტურულ ძალებმა აქ მოიყარეს თავი. თბილის-ბორჩხლოს თავისად თვლიდნ. ერევნის ოლქი, ეს მწირე ადგილი, სომხებისთვის ბევრს არას წარმოადგენს, ისედაც ნახევარი ოლქი მამადიანებისა. რუსის მთავრობა და სომხები ერთად ამოქმედდნ ჩვენს წინააღმდეგ, რათა მოესპათ საქართველოს ხსენება, მაგრამ დახე ბედს და სამართალს უმაღლესი მტრები მოისპენ საქართველოში, ვიდრე საქართველო დამოუკიდებელი საქართველო უპირველესად თავის ერზე ბრუნავს, მტერსა და მოყვარეს ფრთხილად არჩევს, მისი სატახტო ქალაქი თბილისია; აწ სომ-



სებს ვინ შეაქმნეს საქართველოს ქონებას. ამასთანავე საქართველოში მცხოვრებნი სომხები მოსწყდნენ თანამემამულეებს, გაფანტულს კავკასიის სხვადასხვა კუთხეში, დაიკავეს სომხის ერი, უძლეურობა ის როგორც კულტურულად ისე ეკონომიურად. როგორ გამოაწიროს საქმე. ძალა მას არ შესწევს საქართველოს რაიმე წააგლიჯოს.

ამ მხლელ ხალხს, რომელიც თავის სიცოცხლეს ფულის თვალში ატარებდა, დღეს ხმალი აუღია და მოიწვეს, მხოლოდ სხვის იმედით და სახელით. გაგზავნილიყო გავრცელებულიყო და ასეთივე გვსურს ქართველებისთვისაო. ამდენ ხანს სომხები თითქმის ყველა დაშინებულა, ასეთივე მთავრობაც ყავდათ, ეხლა კი ვითარცა ყველა გაბოლ შევიკა. თუ გულწრფელი ბოლშევიკები არიან. იმ დაშინებულებს, მშრომელი ხალხის მტერს, ბოლშევიკები სიტყვით, რაუტებს, დასაჯებს? არა, არც ერთი დაშინებული არ დაზარალებულა. ყველა თავისუფლად და ბოლშევიკობას. განკვეთილი ბოლშევიკობა, თვალთმაქცობა, სურთ გააერთიანონ კავკასია, შემდეგ იცვლიან სახეს. იმედი აქვთ მათ გამოაზიანონ აპყვებიან საქართველოში; იქ დიდი პარტიული ბრძოლა; ეს გარემოება აქვთ მათ. ომი შეიტანს მათში არეულობას და შეიძლება მივალწიოთ წადილს, მოვსპოთ საქართველოს დამოუკიდებლობა და ისევ ძველებურად დაუწყოთ წუწნა ქართველი ერის ქონებასო. ცდება ვერაფერი. დღეიდან ჩვენში პარტიული ბრძოლა და გამოსვლა მოიხსნა, გამოდის ერი, იცავს მამულს. რუსები აღფრთხილებიან და სომხები, ეს ორივე მხიერი ხალხი, უკვე გვერდშია, უნდათ მოსპონ საქართველოს დამოუკიდებლობა, დავადგან ძველი მონობის უღელი.

აბა მამულისშვილნო, მტერი გიწვევს. მამულს ტუდს უბადის, გავშურე ძმურად ეკეთეთ მტერს. ყველა მტრისკენ, ყველა ომზე ვიზრუნოთ.

ა. კვიტაშვილი

წმინდა სისხლი.

ისევ ომი. ისევ მსხვერპლის გაღება. ის ხალხი, რომელმაც გვეჩვენა 117 წლის განმავლობაში, ვერ იტანს ჩვენს დამოუკიდებელ ცხოვრებას და მუხანათურათ თავს ესხმის მის კლანჭებიდან უკვე განთავისუფლებულ ქართველ ერს.

დღეს ჩვენ საქმე გვაქვს არა რომელიმე პოლიტიკურ მიმდინარეობასთან, რომელსაც სწავლია ჩვენი ქვეყნის თავის მსოფლ-მხედველობით მოწყობა, არამედ ძველი რუსეთის აღდგენის მოტრფიალებთან. შემთხვევების და ხელოვნურად შეკაწიწებული დიდი რუსეთი პირველივე საერთაშორისო მოვლენის წინაშე დაიმსხვრა და დაიწყო. დროებით მის კუთხში მოხედრილი ერები, გონს მოვიდნენ და თავიანთი საკუთარი ცხოვრება დაიწყეს. ნებით თუ უნებლიეთ ქართველი ერიც იტანდა 117 წლის განმავლობაში მის ზამთარს.

მაგრამ ისტორიამ სამართლიანად განსაჯა და ქართველ შვილთა საქართველოს დამოუკიდებლობა გამოაცხადებია. და მსოფლიოს მოელონა ისევ აღმდგარი და წყლში გამართული მისთვის ცნობილი საქართველო.

ქართველნი!

საქართველოს დემოკრატიული პარტიის სამხედრო შტაბში დაიწყო მობალისეთა მიღება საგანგებო რაზმისათვის!

მიიღეთ მონაწილეობა სამშობლოს დაცვაში, ჩაეწერეთ რაზმებში.

ველო, ის იწამა ქვეყნის განათლებულმა ნაწილმა და ვით თანასწორი გვერდში ამოიყენა. სანამ ეს უკანასკნელი მოხდებოდა. ჩრდილოეთით კიდე სწამდათ და სჯეროდათ საქართველოს მათდამი დაბრუნება. მაგრამ იანვრის 27-მა ცივი წყალი გადასხა მათ მხურვალე ზრახვებს და გვერდი აახვევია მშვიდობიან კავშირზე. ადვილათ დაიბრუნეს და დასაჯეს ურჩობისათვის ადერბეიჯანი და სომხეთი, მაგრამ არც ისე ადვილი შესაძლებელი დარჩა ცერემონიალური მარში ჩვენს მიწა-წყალზე შემოსვლა. მათ დააფიქრდათ, რომ საქართველოში ცხოვრობს და ბინადრობს ბრძოლაში ყველასაოვის ცნობილი და ნაცადი ერი. დამშეული, აღამანის სახე აცლილი წითურისნები ვერ გაძლენ ადერბეიჯან-სომხეთით და ალანის ველზეც ლაშობენ განაფარდებას. მათ გვერდში ამოიყენეს იმ ხალხის შვილები, რომელთაც თვით არ სწამდათ თავის დამოუკიდებლობა და პირველ შემთხვევის თანავე ცხვრებივით გაშორეს წინ ისინი ყოფილმა ბატონებმა. დღეს რუსეთის თურქ-სელჯუკები და განსვენებულ ვარანცოვ-დაშკოვის ლაქები მოადგენ ჩვენს საზღვრებს და იარაღს ახმარებენ ქართველთა დასაფრთხილად. 117 წლის განმავლობაში კარგათ გაიცნო ქართველ ერმა რუს-სომხები და ტყუილად გონიათ, ადვილათ წამოგვებიან მათ ანკესზე. რისზეა დაატყდა თავს რუსეთსა და სომხეთს, და ესლა არც რუსის არაყით მოვინაშელებით და არც სომხის არაყით გვერდებს რასმეს. იარაღის ჩხარუნი ქართველს ძილს კი არ უფრთხილს, არამედ აცოცხლებს და აახლგაზღვებს. საქართველოს დედა ქალაქი თბილისი და არა ალექსანდროპოლ-ერი ვანი, რომელიც მარტო ხმის გაგონებაზე ხან ერთის ხელში გადადის და ხან მეორეს, რომელთაც შიში ხან აწითლებს და ხან აშავებს.

საქართველოს დარაჯობენ ქართველები, რომელთაც სირბილი მტრისკენ უყვართ და არა მტრისგან. ქართველი გულში იჭრება და არა ზურგში. განსაკუთრებით შმაგია ქართველი ბრძოლის ველზე, თუ მტერი მის არსებობას ეშუქრება! ამიტომ ჩვენ არ გვიკვირს, თუ ამ უკანასკნელ დღეებში ქართველური ყიფინა გაისმის ჩვენს ქუჩებში. საქართველოს მტერი მოადგა, და ეს მტერია რუსეთ-სომხეთი, რომელნიც ლამაზად აღადგინონ ბაზაროსული რუსეთი. მაგრამ ქართველები იცნობენ ქართველ ბაქო-ერევანს, და ბრძოლით დამაფრალს ქართველ მხედარს ეხლა ცნობილი არ შეაჩერებენ,

და შესაძლებელია სომხები იძულებულნი დარჩნენ ერევანში ქართველ ლაშქარს ნადიში გაუმართონ. ქართველთა სინათლე ჯერ არ მოკლებიათ, მაგრამ ვაი თუ უბაქათ რუსებს მოსკოვის ძარცვა სინებელში მოუხდეთ. დიას ჩვენ არ გვეშინია. საქართველოშია თვის დაღვრილი სისხლი წმინდაა, და ქართველის ხმალიც ლამაზად მიაღებს რუს-სომხის შერეულ სისხლით.

დარაჯი.

„ვისაც მოუვლავს, ის მოვლავს...“

უდიდესი ოცნება ჩვენის დიდის წინაპრებისა სინამდვილეთ იქცა. მათი უაღრესი ნატურა და გულისთქმა განსორციელდა, ქართველი ერის საზეპურო მისაღწევი მოგვიმოვეთ.

მწარე წარსულისა მხოლოდ მწარე მოგონებანი-ღა დავტრია, ასი წლის მონობიდან ჩვენი თავი სისხლით გამოვისყიდეთ. ბაზაროსებს ზურგი შევაქციეთ და პირი განათლებული ევროპისკენ ვიბრუნეთ.

მოწინავე კაცობრიობამ ხელი გავმოგვიწოდა და უტყუარისა და დინჯი მოფიქრების ნაყოფად თავის ოჯახის სწორუფლებიან წევრათ მივივილო.

ჩვენ ვხეივობთ! ერთმანეთს ვულოცავთ, ვით მორწმუნენი ქრისტეს აღდგომასა, და გული ჩვენი იესება უწველო ნეტარებით.

მივდივართ ჩვენი წინაპრების საფლავებზე და დღესასწაულებრივ ჩავსახებით მათს ძვირფას ნეტეს:

გიხაროდნენ, დიდო ილია, დიდო აკაკი! საქართველო აღსდგა!

გვილოცავენ ამ დიდ დღეს მოკეთენი და ჩვენი დიდი მოამბე ევროპელები.

გვილოცავენ... უკეთურნიც...

ბრახითა და შურით განიხრებოდა და იუდას ამბოროთ მოდიან ჩვენთან. ამბოროთ ფარავნ ბოროტ განზრახვას, რომლის უკან მზადდება ჩვენთვის შიშილი, სიტუტლე, ოჯახის აწიოკება და შერცხვენა, ჩვენი კაცურ-კაცობის წახდენა, გველურება და ახალი და უმომესი საშვილიშვილო მონობა!..

თერთმა კბილმა შავი გული ველარ დამალა და, აი, ის მთელის თავის სიზავითა და სინებლით ჩვენს წინააღმდეგ აღიმართა!

ველურობისა და სინებლის მატარებელი ძალა ლაჩრულათ, ქურდულათ ზურგიდან დაგვეცა!

საქართველოს გარეშარი შვილებიც არიან იქ.

დღის რძე შამაოც შერგებია მათ! და ეს ასეც იქნება! საქართველოს სახელოვანი მხედრობა, ფოლადისმული ვაჟკაცი სამშობლოს სადარაჯოზე დგანან.

ჩვენი დიდებით მოსილი ჯარი და გვარდია, ბრძოლის ცეცხლში გამობრძმდებილი, ვერაგ მტერს უკვე შეგნენ და ზარბაზნების გრილით უბასუხეს.

ჩვენი სამშობლოს საზღვრებზე სამეფრო-საინციოცხოთ იბრძვიან: სინათლე და სინებლე,

თავისუფლება და მონობა.

უმადლესი კულტურა და უმადლესი ველურობა.

ჩვენს მხარეზე დგას განათლებული ევროპა და მისი მოწინავე დემოკრატია.

დღეს ქართველი მხედრობა თავის სამშობლოსთან ერთად ევროპის კულტურასაც იცავს.

და იგი, გაკაფებული და გამებზული, მტრის ურდოებს რისხვით ეგლინება მხიარული ყიფინით:

„ვისაც მოუვლავს, ის მოვლავს ნადირსა შავის ტყისასა,“

ვინც დახვდა, იგივე დახვდება გულდაუტან რაზმსა მტრისასა!..“

ვაშა ქართველ მხედრობას! უკვლავი დიდება მის სახელს! გაუმარჯოს სამშობლოს დარაჯო!

დ. კ.

პრესსა.

გაზ. საქართველოში ბ. მ. ჯავახიშვილი ბრძოლის ასპარეზის სურათს იძლევა:

სომხეთ-საქართველოს ბრძოლის ასპარეზი გზების რკალით არის შემოხაზული თბილისიდან რომ გაჰყვით ამ რკალს დასავლეთისკენ, ისევ თბილისში დაბრუნდებით, აღმოსავლეთით. ეს გზა თბილისიდან მიდის ბორჯომ ახალქალაქზე, აქედან ჩავა გუმბრში (ალექსანდროპოლი), მოუხვევს აღმოსავლეთისკენ, გაივლის ბეზობდალისა და ბამბაის ქედების შორის, გავა ყარაქლისზე, დელიჯანზე და აქედან ყაზახით ისევ თბილისში ამოვს.

ეს რკალი ჩრდილოეთიდან საზღვრისკენ ორი გზით არის გაღმართილი. ერთი — რკინის გზა მიდის თბილისიდან დებედა ჩაის (წინანხლი ბერდუჯის წყალი) ბეზობით, გადაივლის ბეზობდალის ქედს სად-შავალისთან, აქედან მოუხვევს დასავლეთით და ჩავა გუმბრში. მეორე გზატკეცილი, უფრო მნიშვნელოვანი — თბილისიდან მიდის ეკატერინენფელზე მაშავერის ხეობით გადავა ლორში (ლუმანისი, ვორონცოვკა, ჯელოლ-ოლი), გადავა ბეზობდალს და აქ ორთითიდ გაიყვანა: ერთი რკინის გზის გაყოფებით წავა გუმბრში, ხოლო მეორე სამხრეთ-აღმოსავლეთისკენ მოუხვევს და ყარაქლის აარსილი-დელიჯანი გავა ყაზახში, რომლის ნახევარი სომხეთს უჭირავს. ამ ორი გზიდან თითო გზა დაჰყვება სამხრეთით და ჩავა ერევანში. ერთი გზა მიდის რკინის გზის სადგურ ჰამალიდან გზამძინ ერევანში, ხოლო მეორე გზა იწყება დელიჯანში, მოუვლის გოჭის ტბის ჩრდილო დასავლეთ კუთხეს და ესეც ერევანში ჩავა.

გზების რკალი, რომ მოვიხსენიეთ, დღევანდელ პირობებში, სამხედრო საოპერაციო თვალსაზრისით რკალად აღარ ჩაითვლება, რადგან აღმოსავლეთით მას ჩამო-

ჭრილი აქვს ყაზახის მარა, რომლის ნახევარი აზერბაიჯანის ხელშია, ხოლო დასავლეთით — ახალქალაქის გზით ჩამოკვეთილი აქვს გუმბრის რაიონი, რომელიც უჭირავს ოსმალეთს. მაშასადამე, საოპერაციო მიმართულებანი სომხეთ-საქართველოს დღევანდელის ომისა განსაზღვრულია შემოადგენილი გზატკეცილით; რკინის გზით და იმ სამიოდე ბილიც. — საურზე გზით, რომელნიც ბორჩალოდან და ლორიდან გადადიან ერევანისკენ ვიწრო სექტორით — ბეზობდალის მთიდან სოფ. შინიამდის, რომელიც მდებარეობს დებედას მარჯვენა ნახევარზე სად. სადახლოა და ახტალას შუა.

ეს ვიწრო ასპარეზი ბრძოლის ველისა დასერილია სამი ქედით, რომელიც მიდის ყაზახიდან ჯავახეთ შურაგელისკენ: ლელვარის ქედი, ბეზობდალის და ბამბაისა. ლელვარის ქედი და ჩრდილო-გვერდები ბეზობდალისა ჩვენს ჯარს უჭირავს, ხოლო სამხრეთი კალთები ბეზობდალისა და ბამბაის — სომხეთის ხელშია.

ამ გზებით და ამ უღელტეხილებისთვის იწყება მეორე ომი სომხეთ საქართველოსა. ჯგერ-ჯეროვან ღერძი დაწყებულ ბრძოლისა ბეზობდალის ქედი რომლის გადასვლით ან გადმოსავლით დასრულდება პირველი ეტაპი ომისა.

სომხური პრესა.

„შეპი“ თავის მოწინავე წერილში ენება ლორის აჯანყების ამბავს და სწერს, სხვათა შორის, შემდეგს:

„ჩვენ გადატრიათ ვამბობთ: ლორის გლეხობის ერთი ნაწილის აჯანყებას ვთვლით უბედურობად ყველაზე უწინ თვით მათთვის და მერე დამშეულ გარშემორტყმულ და მთელი ქვეყნისაგან მოწყვეტილ სომხეთისთვის.

„ჩვენ დარწმუნებული ვართ, რომ საქართველოს მთავრობამ ჩვენზე კარგად იცის, თუ რა ხდება მის გარეგან. გავტრია, რომ სომხეთ-ქართველთა მშვიდობიანი და მეგობრული ურთიერთობა არ გამოიცვლება ამ უბედურების ამბების მიზეზით.

„დღე გამოჩნდეს მოედანზე ამ მოპრობის ნამდვილი დირიჟორი — საბჭოთა რუსეთი, ურომლისოდაც არ შეეძლოთ ერთი ფოთოლიც შეერხათ ბამბაის ხეობაში.

„სომხის ხალხს ეჭირება სიმშვიდე და პური და არა ავანტიურები, უკეთუ კალიფორნიიდან (ამერიკაში) დაწყებული ინდამდე (მდინარე ინდოეთში) სომხობა შეურყვია სომხეთის სოცეტიზაციას, ეგ მხოლოდ იმიტომ, რომ შიადღიოს ამ მიზანს. სომხის ხალხი დადლილია სისხლის ღვრით და მსხვერპლის გაღებით სხვათა სასარგებლოდ.

„და საბჭოთა რუსეთი მოვალეა დაუყონებლივ მოსპოს ლორის აჯანტიურა“.

რუი-ნადინის დრეშა.

(ისტორ. ოცნება — სინამდვილე).

დოხოლის მთის კალთებზე საამოიღებლობა დამყარებულიყო. — იღუმალობა, როდესაც აღამინი ანგარიშიუცვლათ ღვას გარინდებული

ქართული

ხ ე ლ ი ხ მ ა ლ ს ი კ ა რ ი ა რ ი ა ნ ი
ს ი გ ლ ი ო რ თ ა ჯ ა

და ძალადააღივს სიდიადეს უშუალოთ
განიცთის.

მთის კლდეები წვეთები თხევს
მდუღარეთ ჩაფრებულყვანს, თი-
თქო მანეთ სულთაგან იცავდნენ იქვე
გამოქვეყნულში ხატის წინ პირქვე
დამხობილ დაყუდებულს, რომელსაც
დაღარული შუბლი ლოცვანზე და-
ეყრდნო, თეთრი თმა და წვერი მუ-
ხლებზე გადაფენოდა და ბავნი საი-
ღუმლო ლოცვებში უთრთოდნენ.

ის ახლა ხახულის ხატის წინ იყო
დამოკიდებული გელათის უმთავრეს ტა-
ძარში, სადაც კვირაში თითოჯერ
ჩამოვიდოდა ქარაფიანი კლდის ნა-
პრაზიდან, ეზიარებოდა, სეფსკერს
შიიღებდა და ისევ თავის სენაკს მიჰა-
შურებდა ღუმელით.

ქალაქი დარღული ნისლი მთის
კალთებს გავსოდა, წარმართა მალა,
მოდლა, ვით საღმრთო საკმეველი,
და გახვრტილი ბამბის ქულისავით
ხშირსა და გაუფალს ბზარნაღს მოე-
ფინა.

დაყუდებული ღრმა ჩაძირულიყო
ლოცვითა საიდუმლო წილში. მის
გარშემო მონასტრის მრავალრიცხო-
ვანი კრებული იდგა, უზარმაზარი
ტაძრის თაღებ ქვეშ ხშირათ მძიმე
სასინანულო ამოგმინვა გაისმოდა.

მორიგე ბერი საკურთხეველიდან
გამოვიდა შემოსილი და სამეფო
კარებთან „ნათელი მხიარული“ წარ-
მოსთქვა.

ლევრათ ტაძრის კედლებმა ზან-
ზარი იწყეს, გუმბათიდან არაფეუ-
ლებრივმა შუქმა შემოანათა და მთე-
ლი ტაძარი გაბრწყინდა. საკურთხე-
ვლის კამარაზე მთავარანგელოზები
დაიძრნენ და ეთერისებური ქოლო-
ვით დავით აღმაშენებელს ამოუდგნენ
მხარ-და-მხარ. დიდმა შეფხვამ ზეციურ
ძალთ კრძალვით თაყვანისცა და ხა-
ხულის ხატისკენ გაეშურა ქედმო-
რგვათ. ამ დროს წმინდანნი ამეტ-
ყველდნენ და ტაძრის ყოველი კუთ-
ხიდან მოისმა საღმრთო გლოვა:
„გვირგვინი მკლავმან ძლიერმან და-
გაღვა შენ.“

მთანი და ხეობანი ისევ საიდუმ-
ლო სიჩუმით იყვნენ მოკლუნნი.

შუალამე გადავიდა და, ცისკრის
მოახლოებისას, ეს დიდი სიჩუმე გე-
ლათის დიდი ზარის ხმამ გაჰყვოდა.
ხმა იგი გადაეცა კლდიდან კლდეს,
ხეობიდან ხეობას, შორეული სამე-
ბის წვერს სტყორცნა საღამო საცი-
კრო და მიძინებული სოფლების
თავზე მიმოიფანტა.

შუალამის რეკამ სოფლად ბერი
გამოაღვიდა და სასოებით პირჯვარი
გადააწერია.

ზარის ხმა განდგეილსაც სწევდა;
ის იმ წამსვე გამოეყვია; საოცარი
ჩვენებისაგან მთლად კანკალობდა;
ჩბირი სანთლის ასანთებდ ხატისკენ
გაეშურა.

იქ კი, საიდანაც ზარის ხმა მო-
დიოდა, ობოლი სანთლები გამო-
კიფდა და სქელ ნისლში ძველი
ალექსის ქაღარა. მოსილი პატრიარ-
ქის სახით გამოცხადდა ამაყი და ღი-
ლებული ქმნილება დადის აღმაშენ-
ებლისა.

საუცხოვო იგი სურათი!
დღესაც, ამ მეთასე წლისთავე,
ის ქმნილება იმავე სიდიადით გამო-
იყურება განთიადისას.
აბა მიადევნეთ თვალი ამ ჩვენის
ამოშობლის სულიერს მეუფეს!

გელათი, ახალ ათინად ქმნილი,
და სრულიად იმერთა, გურიულ-
ილიშართა, სვანთა და აფხაზთა ლიფ-
ლიფი, სადღესასწაულოთ ირთვებო-
და, საზეიმოთ ემზადებოდა.

იქ, შორს, საქართველოს სამხრეთ-
აღმოსავლეთის საზღვარზე, ბასიანს,
ზვიადი რუქ-ნადინი სასტიკათ დაე-
მარცხებია ბედნიერი თამარის ბრწყინ-
ვალე მხედრობას. ქართველთა ხმლის
ელვარებამ შემუსრა ამაყი ძალა მცირე
აზიის სასულთნოსი! და სვინი მე-
ფე თავის დიდებული პაპის მიერ
აგებული გელათის მონასტრისა და
თქმად და ქმნად მადლობისა დიდის
გამარჯვებისათვის.

საუცხოვო ამინდი იდგა. მახლო-
ბელი სერები ტურფად ამწვანებუ-
ლიყვნენ. მზე კარგად მოვლილი იყო,
როდესაც გელათის დიდი კართან
თეთრი არაბული მოაგლო შიკრიკმა
და კრებულს ამცნო, მეფემ და ამა-
ლამ მოწამეთას მოატანესო.

ახალ ათინაში არაჩვეულებრივი
სიცოცხლე დატრიალდა.

მცირე ხანს შემდეგ მოწამეთის
წვერთან საზეიმო საყვირი მოისმა;
მას გამოეხმაურა ელისაშვილის კოშკი
— და მალე, ქალაქში, წყალწითელას
ნაპირებზე თამარის ბრწყინვალე ამა-
ლა გაიშალა.

მთელი საგნათლო აქ იყო შეკრე-
ბილი; ტეფე აღარ იყო და ხალხს
ახლო-მახლო ქედები დაეჭრა.

ამალამ განვლია ხიდილო იქ, სადაც
ახლა ძველი ბურთების ნაშთია დარ-
ჩენილი, და მწუბრათ შეუღდა აღ-
მართს.

თამარი ტახტგვანით მობრძანდე-
ბოდა. აღმართზე მან დაქვეითება
ინება. გვერდს დავით სოსლანი უბ-
შვენებდა, წინ ანტონ ჰყონდიდელი
მიუძღოდა, ამიერ და იმიერ კი — ქი-
აბერი, გამრეკელ — თორეჯი, კახა-
ბერი და მსახურთ-უხუცესი ვარდან
დაიხანნი.

აქვე ბრძანდებოდა დიდი შოთაც,
რომლის პირით მშინდელი საქარ-
თველოს სიბრძნე და მისწრაფება
დაღაღებდა:

„გარდა და წესთა ვინადგან
მზე სწორად მოგვინების,
დიდსა და მცირეთ წყალობა
შენ(ა) ნუ მოგეწყინების...“

სარდლები დაწინაურებულიყვნენ
და მედროშეც მალაქა მალაქა-მალაქა
მიადრიალდებდა დროშას „სვინასა —
დავითიანსა“.

საღმრთო სადღესასწაულო გუგუნი
განუწყვეტლად გაისმოდა და ქედ-
ბიდან თამარის ამალისაკენ მოდიო-
და ყვავილების ნამქერი.

ერი სხვა და სხვა საგალობლებით
შეამკობდა თამარს, წინწილებანი
სმენას დაატკობდა, გელათის ზარ-
ბის ხმა შეწყობილი გუგუნი კი უზე-
ნავსათ აღაფრთოვანებდა ერს.

მთა და ბარი ზანზარობდა ხეობა-
ნიც საზეიმო ხმას გამოსცემდნენ.

დიდკართან დედოფალს მიეგება
პატრიარქი, ომფორმოსილი. კრე-
ბულიც იქვე იდგა. დედოფალს,
ქება შეასხეს და ფინანსა გაუ-
შალეს.

თამარმა მარგალიტებით მოოქვილი
ქოშები გაიხადა და ღეთის მშობლის
კალთის ქვეშ ტაძარში ჟღერდა მღვდელის
შებრძანა.

ხახულის ხატი, ბეჭა ოპიზარის
მოქედილი, გაბრწყინებული ესვენა
სამეფოს კარის წინ „კედელა“ და
„ობოლა“ მწეებრ ციმციმობდნენ.
თამარმა დაიჩოქა მისწინაშე და სა-
ქართველოს ობოლმა მარგალიტმა მარ-

გალიტებივე დააფრქვია თვალთაგან.
ლაწენი საქართველოს უმწვენიე-
რისი ასაღლისა, უუღიდესის მეფისა
და უუღმრთოების დედისა სრუ-
ლიად დაეღტრა ამ მარგალიტის
ფრქვევას.

მასთან ერთად დაჩოქილი იყო
ამალაც.

თამარმა მარგალიტის კედელს მი-
აპყრა თვლები, მოწიწებით გაეშურა
და თავისი დიდი წინაპრის-დავითის
ხატს ამბოროი უყო.

დიდი მეფე ბრძნული ღიმილით
გამოიყურებოდა და სახელოვან შვილ-
თაშვილს ბრძნულს მოქმედებას უწო-
ნებდა.

კრებული შუაზე გაიყო. თამარი
ხახულის ხატის გვერდით დადგა.
იმის პირდაპირ — პატრიარქი. ქვევით
— ამალა.

მთელი ტაძარი სიჩუმეში მოიცვა.
დასავლეთის კარები გაიღო და
სარდალი ზაქარია მხარგმელი გამოჩნ-
და.

ვევბერთელა ფარჩაზე ნაქსოვი
დროშა მოჰქონდა მას თავდახრილი.
დროშის არშია მარგალიტებით
იყო მოოქვილი: შუაზე მთავრის ნა-
ხევარ რკალი იყო გაოსახული.

მხარგმელი დახრილი დრო-
შით ხახულის ხატის წინ გაჩერდა
და თამარს წარმოუთქვა:

„სასო და შესავედრებელი ყო-
ყველთა ივერეთელთა, მომირთმე-
ვია დროშა დიდისა სულთანისა, რო-
მელმანცა ბრძნა ღეწვად ხატთა და
ჯვართა და რომელიცა ეძლიე სახე-
ლითა შენათაო!“

და ზვიადი რუქ-ნადინის „დროშა
ხახულის ხატის წინ განერთო.

ამ წუთს ყველას უნებლიეთ აღ-
მოხდა ძლიერი გრგვინვა:
გაუმარჯოს ქართველ მხედრობას!...
მრავალ ჯამით! მრავალ ჯამით!

ხანგრძლივი გრგვინვისაგან ტაძრის
კედლები ზანზარობდნენ.

და დაყუდებულმა, რომელიც
საერთო ზემის გამოქვეყნულიდან აქ
მოეწვია, თავისი ჩვენების აცხადება
ამ დღეს იხილა.

დ. თამაშვილი.

ჟეჟალს ვაჟს ებ. გარდა...

„გმირთა წესია ღმობიერება“ —
სთქვა დიდმა პოეტმა, და მართლაც,
რანდული სულის სიქველეს ისა,
რომ დამარცხებულსა და ფეხქვეშ
განრთხმულ მტერს ღმობიერათ მო-
ეპყრა... ქართველი კაცის ბუნებაში
რანდობა და მასთან შეზავებული
ღმობიერება ოდითგანვე ჩაქსოვილია;
ქართველი ბუნებათაწიარია და
სხვისი გაჭირვების ადვილათ შემგნე-
ბი. დაცემულის დანახვამ მასში
გრძნობა და კეთილშობილური აღ-
ტყინება სჭარბებს და უდიდეს დამ-
ნაშავესაც ამ წუთებში იგი ადვი-
ლათ შეუნდობს. ეს, რასაკვირვე-
ლია, ქართველი კაცის უმაღლესი
სათნებისა და კაცობიერების
განსახიერებაა. და ასეთი თვისება
ფრიად სასახლოა და სამაგალითო,
საქართველოს ისტორიაში მრავალია
ამის მაგალითი.

და ჩვენც, რომ არ შეურაცხყოთ
სახელი და დიდება ქართველის რაინ-
დისა, ვამსა გამარჯვებისას, ვამსა,
როდესაც ქართველი სახელოვანი მხე-
დრობა ახალს, პრწყინვალე გამარ-

ჯვების გვირგვინით დაიდაფნება, ჩვენ
ყველას ღმობიერათ მოვეპყრობით,
ღირსეულ მტერს, სომეხი იქნება ის
თუ სხვა ვინმე, ღირსეულთატივით
მივიღებთ და შეუნდობთ, ვაპატივბთ
და კალაპორტში ჩავაყენებთ. ჩვენ ყვე-
ლასადმი გამოვიჩენთ ღმობიერებას
რანდულს, კეთილშობილურს, ვერ
ვაპატივბთ მხოლოდ... ქართველს...
ქართველს, საქართველოს სისხლითა
და ოფლით გამოზრდილს, ქართველს,
რომელიც მტრის რაზმებში დგას და
ჩვენი ქვეყნის საოხრებლათ მოყვას
ის, ქართველს, რომელსაც უკულ-
მართად მოურთავს თავისი აზრო-
ვნება და შიგნიდან ციხის გატეხას
ღამობს.

აქ ჩვენი თანშობილი ღმობიერე-
ბა იქცევა სასტიკ და მრისხანე ულ-
მოებლობად!

3.

ვივიანის აზრს საქართველოს
შესახებ.

ერთა ლიგის ფრანგულ საზოგა-
დოების პირველი სხდომა ერთა
ლიგის ენენეაში მომხდარი ყრილობ-
ბის შემდეგ, იანვრის 18 ს შესდგა.
ვივიანმა გააკეთა მოხსენება იმ პო-
ლიტიკის შესახებ, რომელსაც აწარ-
მოებდა საფრანგეთის დელეგაცია ამ
ყრილობაზე. ვივიანის აზრით რომ
ერთა ლიგამ იცხოვროს, იგი უნი-
ვერსალური უნდა იყოს; იმ დროი-
დან, როდესაც მან დაიწყო ისეთი
საქიანების განხილვა, რომლებიც
საერთო მშვიდობიანობას ეხებოდა
და როდესაც მან დაიხსნა მიზნათ
გადრეკილთა თავისი ორგანიზაცი-
ბი მთელ ქვეყანაზე, ერთა ლიგამ
თავის შემადგენლობაში ყველა ხა-
ლი უნდა მოიწვიოს. შემდეგ ვი-
ვიანმა მოაგონა სხდომის ერთა ლი-
გის სტატუტის მე 10 მუხლი, რო-
მელიც ვალდებულად ხდის ლიგას
დაიცვას თავისი წევრი, თუ მას დაეს-
ხმან. და ამ მუხლით ახსნა საფრან-
გეთის დელეგაციის პოზიცია ახალ
სახელმწიფოთა და კერძოთ საქარ-
თველოს მიმართ: სწორედ მე-10 მუხ-
ლის გამო ვიყავი მე წინააღმდეგი
საქართველოს შემოღებაში ლიგის
შემადგენლობაში მიღებისა. მეს-
გარეშა, რომ საქართველო დამო-
უკიდებელი სახელმწიფოა, რომელ-
საც აქვს მრავალი საუკუნის ისტო-
რია და მტკიცეთ შემოხაზული საზ-
ღვრები. საქართველო — სახელმწი-
ფოა, რომელიც არსებობდა დამო-
უკიდებლათ 1780 წლამდე და მა-
შინაც კი, როცა რუსეთი ჩაყლაპავს
ღამობდა, მან შესძლო საკუთარი
ფიზიონომიის შენარჩუნებაო.

ანგორის ცნობები.

საქართველოში არსებული ოსმა-
ლეთის დიდი ეროვნული კრების
მთავრობის წარმომადგენლობა იუ-
წყება:

იანვრის 22 ყარსიდან გაგზავნილი
ოსმალის შიკრიკი ქიამილ-ფეხდი
სრულებით უსაფუძვლად და ყოველ
გვარ უფლებას გარეშე კარაკლისში
დაიპირეს სომხებმა. შიკრიკს წაარ-
თვეს ყითან გაყრილი და დივიზიო-
ნის ოფიციალური ბეჭედ დასმული
პაეტები, ფულები. სომხები იქამდე
მივიდნენ, რომ თიანებთან ბეჭდებიც
კი მოხსნეს. წართმეული ფულის ერ-
თი ნაწილი მიცემული ჰქონდა შიკ-
რიკს ყარსში მყოფ ოსმალთა ოფიც-
რებისაგან ტფი ისში მათი ოჯახე-
ბისათვის გადასაცემად და სხვა და
სხვა საჭირო ნივთების საყიდლად.

მეორე ნაწილი კი ეკუთვნოდა
ანგორაში დანიშნულ რ. ს. ფ. ს.
რ. წარმომადგენლის ოჯახს, რომე-
ლიც ტფილისში ცხოვრობს. რ. ს.
ფ. ს. რ. წარმომადგენელ ამხ. მდი-
ვანის ფული იმყოფებოდა წერილო-
ბით სასეფესტის ყუთში, რომელიც
გასტეხეს და რაც შიგ იყო ყველა-
ფერი წაიღეს.

გამოიყრებულ ზომების წყალო-
ბით, რომელიც აღმოსავლეთის ფრონ-
ტის მთავარ სარდალმა მიიღო, შიკ-
რიკის დაკავების ცნობების მიღების
შემდეგ, ეს უკანასკნელი გაანთავი-
სუფლეს და წართმეული ნივთები
დააბრუნეს, გარდა ოფიციალურ ბე-
ჭედ დასმულ და დაბეჭდილ პაეტისა
და ამხ. მდივანის ოჯახობის ყუთვნილ
ფულებისა.

ამ პაეტში იყო მდივანის მიერ
მოსკოვში გაგზავნილი ქაღალდები
და დიდი კონვერტი, რომელიც და-
ბეჭდილი და ოფიციალურ ბეჭედ
დაკრული იყო. ეს პაეტები ეგზავნე-
ბოდა საქართველოში მყოფ ოსმა-
ლეთის წარმომადგენელს. რა თქმა
უნდა, დაუყრებლოვ შედგენილ იქნა
ოქმი, რომლის პირიც გაიგზავნა
ყარსში; რადგანაც სომხებმა შიკრიკს
წამოსავლელი საშუალებანი არ მის-
ცეს, ოსმალეთის შიკრიკი მხოლოდ
რვა დღის შემდეგ ჩამოვიდა. საქმის
დაწვრილებით ვითარება გაუწყება
მთავრობას. ამის გამო მოხდა ნო-
ტათა გაცვლა-გამოცვლა.

მთავარი რედაქტორი კ. კაპანელი.
სარგდაქცო კოლეგია

ე ქ ი მ ი

ი. ზ. მებუჩიშვილი

გენერული, შინაგანი და საზარლო
ორგანოთა სნეულებანი. (შეშავა-
ნება 606 და 914) ავადმყ. მიღება
საღამ. 5—8 საათამდე.

ჰატივადის (გეგუთის) ქუჩა № 8.
ქალაქის მეორე აფთაქის ახლოს
თვ.

19 თებერვალს 1921 წელს
ყოფილ საზოგადო საკრებულოს დარბაზში ქუთაისის მუშათა
პროფესიონალურ კავშირების და სახალხო უნივერსიტეტის
სასარგებლოთ გაიმართება დ დი საღ მო

„ბაღ-მასკარადი“

კ რ ი ზ ე ზ ი თ

სხვადასხვა გასართობებით და ვახშმით.

მ. ლორთქიფანიძისა.
ს. ქაფიასისა
დ. შექმარაშვილი-გეგუთისა.
ე. ბასტაძისა.